

太上洞淵三昧神咒齋懺謝儀

廣成先生杜光庭刪定

懺方

臣等志心歸命 敬禮

東方無極太上至真上上太一君三洞天尊

次向東方三禮訖

臣某等 謹為某家奉修神咒 行道轉神咒妙經 首謝罪愆 斷

截魔瘟 清安家國 保護人民 燒香明燈 思神念真

歸身歸神歸命

東方無上玄老太上洞淵三昧神咒三洞天尊 一切神靈

仰謝

東方九炁青天泰清玄元無上三天無極大道太上老君

太上丈人

天帝君 天帝丈人

大帝君 上皇老人

三十九真七十二聖高玄真君

太上洞淵三昧神咒齋懺謝儀

清微藏書閣

九老仙都君 九氣丈人

始生青真東華玉寶高晨大司馬上相青童君

元老主仙真人

無鞅數量百千萬重道氣千二百官君

太清玉陛下青帝九氣玉門神仙

四司真人 諸天至極上聖大神

下謝

地下東鄉無極世界五嶽四瀆神仙正真

乞丐原赦齋主某家 存亡兩世父母宗親 七情五欲 十惡六根

積罪積愆 無邊無量 從茲懺謝 咸冀蕩除 俾某家眷等 福命

延長 保安宅宇 伏願太上垂恩 敕三昧咒王 九天力士 五帝神

兵 十方采女 赤弓大卒 收滅赤頭 殺拘盈子等 縱行瘟毒 刀

兵飢饉 疫癘鬼賊 一切清蕩 真氣薰修 元精潤色 萬有安樂

同一太平 稽首歸依 願垂生造 宣敕明威 奉行神咒

次祝曰

此遣鬼咒 誦如衛靈咒法 惻惻震威而宣 嚴敕十方同懺訖

起立宣此 謂宣敕明威 令神鬼奉行矣 不得忽略

道言五濁世 有持三洞經 吾遣天丁士 隨逐衛其形
下病萬丈鬼 遠離於門庭 收除五色氣 一切莫令行
官事解了了 病者差醒醒 敢有不遵令 魔王收斬形

次頌曰

如頌吟 步虛詠之 旋行一周 十方同

東方弗于提 勾芒何青青 梵女遊太空 八音拂玉京
大乘超世表 十真戲紫庭 建福立名齋 長夜悉開明
正道法鼓動 百邪悉摧傾 魔王來稽首 敢試斬其形
迢迢東華天 九龍雲興迎 善神來守戶 力士交萬靈
家親乃得住 百鬼不敢聽 相與弘至跡 俱遊紫鳳城
至心歸命 敬禮

南方無極太上至真上上太一君三洞天尊

次向南方三禮訖懺

臣某等 謹為某家奉修神咒 行道轉神咒妙經 首謝罪愆 斷
截魔瘟 清安家國 保護人民 燒香明燈 思神念真

太上洞淵三昧神咒齋懺謝儀

清微藏書閣

歸身歸神歸命

南方無上玄老太上洞淵三昧神咒三洞天尊 一切神靈

仰謝

南方三氣丹天太清南極皇上老君

洞靈玉帝

上元禁君

三元聖人

始老玄真

萬福丈人

南昌上宮主生司馬

太極真人

太和老子

玄和天赤帝

丹靈高仙萬真

諸天至極上聖大神

下謝

地下南鄉無極世界五嶽四瀆神仙正真

乞丐原赦某家 三業六情之罪 違經犯戒之愆 萬品千條 咸
蒙解釋 俾某家存亡貞吉 災疫永消 伏願太上留恩 請敕十方采
女 天丁力士 烏玄天殺大兵 赤卒小吏 十方主者 收除魔瘟威
都樵氏 烏塗倫那烏丸鬼等 所部小鬼 放諸疾病 寒熱瘟瘧 霍
亂吐痢 一切妖邪災害疫癘之鬼 急令迸散 攝毒收瘟 各還方位
使民人疾厄 悉得痊除 真氣薰羞 元和養育 兆民懽泰 咸荷
道恩 告宣神咒

次咒曰

道告一切神 魔子及魔女 有人受吾經 汝等當扶助
四神莫使來 百鬼令速去 孟達攝瘟災 生如離萊茹
官解疾病除 吾當遷擢汝 若故犯害人 真氣自然護

次頌曰

南方炎帝君 八表號閭浮 飛軒駕雲輿 仙人十真遊
玄女乘霄唱 金光溢丹軀 今日法輪轉 梵響震九嶠
天王敕魔兵 風息雨自休 晃晃三光耀 百邪深自幽

太上洞淵三昧神咒齋懺謝儀

清微藏書閣

若有干試者 力士斬其頭 魔王萬王子 殺鬼自來誅
興齋及大神 魍魎以次收 各各不相恕 大道正氣流

至心歸命 敬禮

西方無極太上至真上上太一君三洞天尊

次向西方三禮訖懺

臣某等 謹為某家奉修神咒 行道轉神咒妙經 首謝罪愆 斷
截魔瘟 清安宅宇 保護家門 燒香明燈 思神念真

歸身歸神歸命

西方無上玄老太上洞淵三昧神咒三洞天尊 一切神靈

仰謝

西方七氣素天泰清西華高上皇帝太靈元始老君

泰素寶後聖帝君 三元君

金闕七太和玉真

西靈金母

白帝高仙

四極真人

諸天至極上聖大神

下謝

地下西鄉無極世界五嶽四讀神仙正真

乞丐原赦某家 曠劫今生 身心口意 廣造諸罪 自作教人

塵沙咎累 並乞消除 願某家瘟毒消亡 咸蒙懽泰 伏乞 太上垂

恩 敕勒九天大兵 十方甲卒 赤殺力士 赤騎功曹使者 大驅將

軍 收除信陵赤烏魍魎生死之鬼 冢墓之神 都奴烏留子 赤目角

子鬼 並乞蕩除 斷絕瘟災 即令消滅一切疾病 並悉痊差 真氣

潤色 百骸休泰 仰荷道恩 奉宣神咒

次咒曰

道君敕下界一切凶惡神 歲在壬午次 年當甲戌旬

赤磧暴牛馬 烏丸天人民 受經佩籙者 天兵護其身

死將驅客鬼 力士喻家親 若不順吾教 負石積夜濱

次頌曰

西方蓐收神 號曰為勾尼 三光玄太虛 朗朗照四維

八音三十二 魔邪氣自推 今日建福齋 然燈照空暉

太上洞淵三昧神咒齋懺謝儀

清微藏書閣

風止雨不降 斬妖束奸非 敗有干試鬼 縛送付天機

行道除萬惡 功德甚巍巍 道德甚精研 聖力起死屍

百邪歸一正 福報汝加誰 奉歸遵大道 積善神自歸

愚人不能學 智者常依依 不惜財寶身 貴欲乘空飛

至心歸命 敬禮

北方無極太上至真上上太一君三洞天尊

次向北方三禮訖懺

臣某等 謹為某家奉修神咒 行道轉神咒妙經 首謝罪愆 斷

絕魔瘟 清安宅宇 保護家門 燒香明燈 思神念真

歸身歸神歸命

北方無上玄老太上洞淵三昧神咒三洞天尊 一切神靈

仰謝

北方五氣玄天太清上上高皇玉帝虛皇道君

太上老君

太上丈人

太上大道玉晨君

北極真公
文始先生
黑帝皇老
高玄真人
自然童子
北神九真斗中大神
五靈天人
太華九晨高上萬重諸天至極上聖眾神

下謝

地下北鄉無極世界五嶽四瀆神仙正真

乞丐原赦某家 七代見存 六親姻族 不忠不孝 不愛不慈
殺盜邪淫 惡口兩舌 綺語妄言 嗔怒慳貪 罪若丘山 難為縷記
以今功德 咸乞赦除 願某家疫病消除 咸蒙休泰 伏願 太上
垂恩 敕勒宋就文昌風水將軍 四大天王 赤赫天都力士黃英等
同共收攝青真大魔 弗旦連子 黃奴都盧那鬼 門戶井灶之鬼 承
伯阿偏然玄子都等 瘟毒疫病 一切諸鬼 並令消散 宅舍清靜

太上洞淵三昧神咒齋懺謝儀

清微藏書閣

萬兆康寧 咸荷道恩 奉宣神咒

次咒曰

太上有真言 敕諸妖魅鬼 暴亂號白頭 寒熱去瘟尾
尋常依木石 亦有附山水 佩法明能師 受籙女男子
轉經救官解 修齋治病起 邪魔敢不從 剪滅不恕矣

次頌曰

北方鬱單越 四運開無地 號之為玄天 乘空記玄軌
今日建大齋 禁止百惡鬼 敢有干試者 徘徊住便死
太上金口敕 玉皇道君旨 千妖自然伏 萬邪何足比
今欲咒魔王 小鬼各各憂 若欲不去者 天丁來下求
送付三天曹 萬邪不得留 一一告下之 風止雨自休
不從律令者 司官斬汝頭

至心歸命 敬禮

東北方無極太至上至真上上太一君三洞天尊

次向東北方三禮訖懺

臣某等 謹為某家奉修神咒 行道轉神咒妙經 首謝罪愆 斷

截魔瘟 清安宅宇 保護家眷 燒香明燈 思神念真
歸身歸神歸命

東北方無上玄老太上洞淵三昧神咒三洞天尊 一切神靈
仰謝

東北方始青天太清無極虛無自然大道至真上聖靈寶始青老君
九天真王

東明虛皇帝君
九靈先生

玉華真人
季高帝真

諸天至極上聖尊神
下謝

地下東北方無極世界五嶽四瀆神仙正真
乞丐原赦某家 師尊父母 前代今身 廣造諸罪 不行忠孝

輕忽人恩 六度卒修 四等無業 陰愆陽過 釁積溟海 以今懺謝
咸乞原除 願某家瘟毒普消 並蒙懽泰 伏願 太上垂恩 敕太

太上洞淵三昧神咒齋懺謝儀

清微藏書閣

上真騎 夫女玉女 大魔犁洪 五方十方靈童主者 大殺將軍 甲
卒力士 收捕五精七吹 賈元慎憂等 及烏丸黃奴兄弟瘟災 一切
邪精疫毒 訶攝滅逐 並令消滅 乞某家清安 人民休泰 仰賴
太上罔極之恩 奉宣明威 驅瘟神咒

次咒曰

老君弘至教 以消中國災 戊寅稱附子 庚寅名大雷
憂連主口舌 郝景耗錢財 神咒聲一發 鬼賊身萬摧
金鉞前行誅 火鈴後陣催 急去千里外 不得暫徘徊

次頌曰

東北艮之子 號之曰文靈 玄光照一切 建齋度眾生
齋契乃千載 立功遊鳳城 度死拯風波 靜默欲全形
然燈照三光 不得令風起 太上敕魔王 悉令風雨止
至心歸命 敬禮

東南方無極太上至真上上太一君三洞天尊

次向東南方三禮訖懺

臣某等 謹為某家奉修神咒 行道轉神咒妙經 首謝罪愆 斷

截魔瘟 清安宅宇 保護家宅 燒香明燈 思神念真
歸身歸神歸命

東南方無上玄老太上洞淵三昧神咒三洞天尊 一切神靈
仰謝

東南方始丹天太清洞極虛無自然至真上聖靈寶始赤陽元老君
南方無極老子

太和先生

三靈玄上萬福皇老丈人

丹靈高皇孟帝

太陽真人

好生度命司馬

玄真三元君

紫靈虛皇道君

朱宮赤精

南昌司命

四極真人

太上洞淵三昧神咒齋懺謝儀

清微藏書閣

諸天至極上聖尊神

下謝

地下東南鄉無極世界五嶽四瀆真人

至極上仙正真

乞丐原赦某家 違誤君親 不順天地 殺盜邪淫 妄言綺語

慳貪嗔怒 嫉妒賢能 陰惡千愆 大罪無極 因今懺禮 特乞消徐

願某家厄難遠祛 咸蒙福慶 伏乞 太上垂恩 告敕三天大兵

九天玉女 天殺大兵 天禁大吏 天蓬守士 玄中主者 正一功曹

等 攝錄收縛百龍 剪烏丸李子敖、水中射公、十二瘡病、六畜奴

婢鬼等 驅除斥逐 消滅蕩除 令某家和諧忻慶 咸樂太平 普令

一切 荷負生成 宣敕明威 奉行神咒

次咒曰

老君有明誥 遍敕中國邦 大鬼與小鬼 魔王及邪王

歲次甲戌後 人衰鬼賊強 九月塗倫那 三天勾婆羌

誦經持籙者 魍魎輒形相 大上垂正法 當滅諸災殃

次頌曰

東南巽之神 遊馳天下河 九河振四海 五嶽驅汝病
真人啟十方 建齋靜玄波 百邪不敢起 禁敕一切魔
若有妖殍鬼 斬付須陀羅 三官伏不起 依如女青科
至心歸命 敬禮

西南方無極太上至真上上太一君三洞天尊

次向西南方三禮訖懺

臣某等 謹為某家奉修神咒 行道轉神咒妙經 首謝罪愆 斷

截魔瘟 清安宅宇 保護家門 燒香明燈 思神念真

歸身歸神歸命

西南方無上玄老太上洞淵三昧神咒三洞天尊 一切神靈

仰謝

西南方始素天太清玄極虛無自然皓靈上皇上元素靈道君

金華至真靈寶始素老君

三天玉皇

紫陽真公

斗中四真

太上洞淵三昧神咒齋懺謝儀

清微藏書閣

元陽帝君

紫精先生

萬福萬氣萬度萬生君

西明太靈虛皇道君

金闕素靈七真玉華君

諸天至極上聖尊神

下謝

地下西南鄉無極世界五嶽四瀆神仙正真

乞丐原赦某家 違犯二儀 穢慢三景 不崇四序 輕侮五常

泄露靈文 乖違仙聖 三元八節 十直吉辰 縱恣六情 造罪無數

以今陳首 咸乞蕩除 願某家福善裝嚴 常蒙吉慶 伏願 太上

垂恩 敕攝九天大魔 太陰官二十四萬人 導示君真人 尼和萬和

士 百舌吏 九天主者 并心同力 收攝瘟毒 魔王高鄰子 羌胡

氏獠 赤烏赤連 壞軍死將及烏鬼等 速令消滅 真氣流行 萬人

安泰 宣敕明威 奉行神咒

次咒曰

老君敕群魔 皆令伏大道 若見轉經人 衛護令精好
丁靈與羌虜 木索并氏獠 大頭為大濕 夷鬼作乾燥
明真持赤棒 生如附青草 聞咒須急去 遲迴劈破腦

次頌曰

西南坤之母 伏神告天庭 建齋度七世 一切長夜明
功積昇玄都 風止雨不行 束妖除萬邪 天人來下并
四運改劫祚 道亦因此生

至心歸命 敬禮

西北方無極太上至真上上太一君三洞天尊

次向西北方三禮訖懺

臣某等 謹為某家奉修神咒 行道轉神咒妙經 首謝罪愆 斷
截魔瘟 清安宅宇 保護家門 燒香明燈 思神念真

歸身歸神歸命

西北方無上玄老太上洞淵三昧神咒三洞天尊 一切神靈

仰謝

西北始玄天高上元皇道君

太上洞淵三昧神咒齋懺謝儀

清微藏書閣

九天元靈洞寶太上真老
無量太華靈寶始玄老君

皇上天人

北玄九蓋華晨君

天門度世飛天羽郎

玉仙總真

監靈司馬

上古三師 大聖眾至真

諸君丈人

諸天至極上聖眾神

下謝

地下西北鄉無極世界五嶽四瀆神仙正真

乞丐原赦某家 殺盜邪淫 慳貪嫉妒 嗔恚憎妬 兩語綺言

無量罪愆 咸乞除蕩 存亡兩代 並賜安貞 伏願太上流恩 敕遣

九天魔王 十方主者 三天力士 天驕甲卒 一切真神 收捕邪精

五瘟疫毒 山林水火 風土木索斗枷鬼 憂連文慶子等惱害人間

者 斥去千里 皆令蕩滅 使真氣流行 元精潤育 萬人和泰 家
宅清寧 仰荷大道覆育之恩 宣敕明威 奉行神咒

次咒曰

太上敷妙經 救療萬人病 辰巳午未年 災毒鬼官盛
奉經分券人 得免于時橫 赤疫隨咒死 黑氣應聲迸
不得亂人間 勿妄干吾正 鋒刀斬汝形 寸斷無堅硬

次頌曰

西北乾之父 號曰天地精 九氣合為一 五極會眾生
今日建齋頌 然燈照玄星 三光耀陀羅 朗朗長夜明
玄光照一切 祈福度眾生 積功求昇仙 截劫邪魔兵
一切斷風塵 干試束鬼形
至心歸命 敬禮

上方無極太上至真上上太一君三洞天尊

次上方向天門三禮訖懺

臣某等 謹為某家奉修神咒 行道轉神咒妙經 首謝罪愆 斷
截魔瘟 清安宅宇 保護家門 燒香明燈 思神念真

太上洞淵三昧神咒齋懺謝儀

清微藏書閣

歸身歸神歸命

上方三十二天無上玄老太上洞淵三昧神咒三洞天尊 一切神靈

仰謝

上方無極太上靈寶天尊

無極諸天太上無形無名無窮無極至真太上大道高皇太帝

九天元父

元始天王

元始丈人

至極靈寶洞玄太上元靈老君

無極大聖眾

至真諸君丈人

諸天至極上聖眾尊

下謝

地下上方無極世界五嶽四瀆神仙正真

乞丐原赦某身形 舉措心意 運為兩語 評論動違科式 瘟災
疾病 官私口舌 恐見中傷 不蒙度脫 歸心至道 建齋祈福 首

謝存亡 萬罪千愆 穢汙三景 伏乞大道降靈 諸天擁護 願以是
功德 歸流其家 存亡二代 七玄眷屬 並得免離幽夜 出處光明
上即輪化昇仙 中得遊神淨土 下即反生人間 候王之門 遭遇
三寶 結友善緣 轉輪福慶 克獲神仙 福流某家 尊卑長幼 所
苦眾患 宿疾瘟風 冷毒疫癘時行 並蒙痊愈 醫藥得效 表裏康
休 五臟調和 六府宣暢 解釋羅網 度脫災凶 增算益年 壽延
無量 世途光顯 爵祿昇遷 入為公相 出宰方嶽 奉上接下 一
切懽心 永保元亨 所為皆合 伏願 太上流恩 敕黃英力士 正
一功曹使者 九天大兵 天人玉女 收捉盈女盆子 赤頭魔鬼 赤
丁火鬼 赤索白下 赤都鬼等 悉令誅滅蕩除 使正氣安和 人咸
清潤 宅舍平安 仰荷聖恩 告示明威 奉宣神咒

次咒曰

天尊有明教 鬼神當須聽 羅翁并大野 華元與小陵
角子從此息 都奴更莫興 洞淵齋已建 妖逆氣須澄
強梁不伏者 縛之以赤繩 劈頭千萬分 膏流血亦凝
次頌曰

太上洞淵三昧神咒齋懺謝儀

清微藏書閣

上方無極天 巍巍三光舒 今日建福田 然燈照玄虛
迢迢九天氣 翩翩見麻姑 乘空駕六龍 天人東帝夫
魔王止風雨 太上告不虛 奉阿尊妙經 自然食天廚
大水彌劫運 道士遊天衢 自然與俗異 水上如龍魚
逍遙入紫室 徘徊歸太無
至心歸命 敬禮

下方無極太上至真上上太一君三洞天尊

次下方向地戶三禮訖懺

臣某等 謹為某家奉修神咒 行道轉神咒妙經 首謝罪愆 斷
截魔瘟 清安宅宇 保護家門 燒香明燈 思神念真

歸身歸神歸命

下方七十二澤無上玄老太上洞淵三昧神咒三洞天尊 一切神靈
仰謝

下方玄黃天無上無極無色無量無數太上帝九百九十九萬億道氣天
老
九天玄母

太黃元君
九天真老
玉虛皇老丈人
太極真人
黃老黃帝
黃老天人
元黃中帝
五老上仙
諸天至極上聖尊神

下謝

地下下方無極世界五嶽四瀆神仙正真
乞丐原赦某家 合門長幼 七世先靈 父母師尊 六親姻族
一切眾生 自從曠劫 爰至今生 三業六根 廣造諸罪 穢汙山水
犯觸靈祇 受對幽冥 致招災害 以茲懺謝 咸乞蕩除 願某家
存亡獲福 永無災禍 尊卑大小 宿疾普消 百體宣調 增益年壽
福祿光顯 內外康休 宅宇清安 萬方交泰 伏願 太上垂恩

太上洞淵三昧神咒齋懺謝儀

清微藏書閣

真靈降佑 敕勒十方主者 大梵天王 八部禁官 大明監神 迴殺
使者 天丁力士 收捕烏丸黃奴 連子赤索 大鬼頭然百供玄子都
等 毒疾雜病班黃之鬼 一切災凶 並令誅剪 邪精瘟賊 域滅無
餘 仰荷弘濟罔極之恩 宣敕明威 奉行神咒

次咒曰

天尊真淨法 治鬼護群生 甲子萬病下 壬辰億鬼行
黃瘟鍾士季 赤毒夏侯嬰 急卻離牆陌 不得傍門庭
吾有十將軍 兩眼如流星 朝夕專噉鬼 嚼碎無全形

次煩曰

下方無際運 冥冥劫修長 仰顧三天上 朗朗暉三光
今日欲然燈 十真禁魔王 靜風勿令雨 道士遊帝鄉
玉女啟三光 六度觀上皇 今日集法師 神仙振十方

至心歸命 敬禮

中央無極太上至真上上太一君三洞天尊

次向西南方人門三禮訖懺

臣某等 謹為某家建齋行道 救治疾病 驅遣魔瘟 禳災卻害

以是功德 乞謝某家存亡 千愆萬罪 並乞原除 敕遣十方天丁
三十六天力士 覆護某家六親大小 男女良賤 隨所救護之處
禁諸疫鬼 不得擾亂 收除客死雲中李子敖大殃 走死六畜人形
五木百魅 蠻夷氏蝦羌胡傖虜 山上山下 水中火中 門戶井灶
宅舍牆籬 萬種之鬼 一切剪除 蕩散消滅 入地千丈 隨時陷沒
無有遺餘 一切懽泰 仰荷聖恩 宣敕明威 奉行神咒

次咒曰

太上金口敕 要誓一切魔 當來午未歲 其時疫癘多
丁勤取男女 石母害雞鵝 法師轉經處 邪精不得過
受持三洞人 免度萬丈波 殺鬼鬼盡滅 救病病無他

次頌曰

中央戊己神 黃帝統四維 今日建大齊 萬惡不敢希
停風不動條 雨散三光輝 道德因此弘 至真大依依
天女執命魔 十絕殺邪非 功積昇玄都 福慶高巍巍
財寶五家分 作福神自歸 妖祥悉伏匿 善惡執告誰
玄朗虛中散 鳴鼓不自撻 敕魔一切妖 試者汝自衰

太上洞淵三昧神咒齋懺謝儀

清微藏書閣

太上金口敕 不從死怨誰

太上洞淵三昧神咒齋懺謝儀竟

天運壬辰年巳月正一天師清微弟子洪鼎堅羅大英恭錄彙編